



Sesida dals

10 da december 2024

Communitgà ils

11 da december 2024

Protocol nr.

945/2024

Dumonda Nicolay (Bever)

concernent la planisaziun cuminaivla dals ospitals tras la Confederaziun ed ils chantuns

Resposta da la Regenza

Tar la dumonda 1: Tenor la determinaziun costituziunala da las cumpetenzas tranter la Confederaziun ed ils chantuns èn ils chantuns cumpetents per il provediment da la sanadad. La responsabladad per il provediment da la sanadad ed uschia er per la planisaziun dals ospitals han ils chantuns. Ord vista da la Regenza n'èn avant maun nagins motivs per midar quest urden da cumpetenzas cumprovà. Ils chantuns enconuschan bler meglier che la Confederaziun las relaziuns localas ed èn uschia meglier en cas da resguardar las relaziuns regiunalas e topograficas ed il criteri da la cuntanschibladad entaifer in temp util en connex cun la planisaziun dals ospitals sin plaun chantunal. En quest connex guardan els en l'agen interess che las prestaziuns vegnian furnidas en moda economica dals ospitals ch'èn necessaris per il provediment da lur populaziun. La cumpetenza dals chantuns per il provediment da la sanadad e per la planisaziun dals ospitals ch'è fixada en la constituziun duai e sto perquai restar vinavant tar ils chantuns. Correspudentamain refusa la Regenza ils interess e las finamiras da la moziun ch'è vegnida inoltrada dal cusseglier naziunal Patrick Häsiger «Reducir ils custs e meglierar la qualitat. La planisaziun dals ospitals sto vegnir realisada cuminaivlamain da la Confederaziun e dals chantuns».

Tar la dumonda 2: Tut tenor co che la Confederaziun fixass la durada per termin util che sto vegnir resguardà per la planisaziun dal provediment ed uschia per conceder ina incarica da prestaziun per l'access ad in ospital dal provediment da basa, na pudessan ils ospitals regiunals betg pli survegnir ina incarica da prestaziun. Schebain ch'il chantun duai prender la pli gronda influenza sco pussaivel, vegn el bain a pudair influenzar pauc il process da decisiun e la finala la decisiun da la Confederaziun.

L'acceptaziun da la moziun dal Cussegl naziunal pudess pia effectivamain restrenschers u schizunt impedir la finamira da mantegnair il provediment decentral da la sanadad dal chantun e periclitars uschia er ils abitadis decentralis.

Tar la dumonda 3: Per defender ils interess dal chantun vegn la Regenza a s'engaschar cun tut ils meds che la stattan a disposiziun cunter l'acceptaziun da la moziun. Per quest intent vegn ella a mussar activamain sin plaun federal ed energicamain las consequenzas negativass pussaivlas d'ina midada da la cumpetenzza per la planisaziun dals ospitals. En collavuraziun cun auters chantuns vegn il departament competent a medem temp a far stentas per cuntanscher ina posiziun negativa da la CDS-ost e da la Conferenza da las directuras e dals directurs chantunals da sanadad (CDS) davart la moziun. En quest connex ha la Regenza prendì enconuschientscha cun satisfacziun, ch'il president da la CDS è gia s'exprimì en l'Arena da la televisiun svizra cunter ina transiziun da la cumpetenzza per la planisaziun dals ospitals a la Confederaziun.



Il president:

Dr. Jon Domenic Parolini

En num da la Regenza

Il cancellier:

Daniel Spadin